

說文解字注匡謬

說文解字注匡謬

元和 徐承慶 謝山

二曰肫決專輒說更正文

上 改二為部首上為篆文刪上篆 注云古文上作二故帝下
旁下示下皆云从古文上可以證古文本作二篆作上各本誤
以上為古文則不得不改篆文之上為上而用上為部首使下
文从二之字皆無所統示次於二之指亦晦矣今正上為二上
為上觀者勿疑怪可也凡說文一書以小篆為質必先舉小篆
後言古文作某此獨先舉古文後言小篆作某此變例也以其
屬皆从古文上不从小篆上故出變例而別白言之 篆文上
注云謂李斯小篆也今各本篆作上後人所改 帝下注云古
示作𠂔古文禮作𠂔辰作𠂔此古文从一小篆从二之證然則

古文以一為二六書之假借也 古文𠂔下注云李斯改一為二則為小篆

改下作二重文作丁云篆文下刪下篆 注云有物在一之下也 古文下本如此如𠂔字从古文下是也後人改二為丁謂之古文則不得不改丁為下謂之小篆文矣

按上字一下一丁字一下一視而可識察而見意所謂指事也 故說文上丁字為正上下為重文二古文上一古文下僅見於解義正如𠂔為古文旅尚為古文貴矣為古文矢解義言之不列於篆必改為正文非也古文不止一體許書所載有重至三字四字者則上二同儻古文不足為怪惟上二同字故帝旁字正文从二者皆屬於下周盥和鍾文其在上帝作上在李斯之前可知說文上云古文上不誤非後人所改反上為丁則下字

亦不當改作二矣帝下曰古文諸上字皆从一篆文皆从二
古文上字是篆依古文从二古文帝旁丌凡諸字皆省上為一
也段氏古文旁下注云李斯改一為二則為小篆其說與帝下
解合而於改上為二之意自相抵牾亦自知其隔閡難通乃曰
古文以一為二六書之假借不思假借者本無其字依聲託事
以一為二於義無當蓋遁辭也如段所改必古文諸字从二篆
文从一臆造其字而後可通
許叙篆文合以古籀古籀之字中豐而首尾皆銳篆則豐銳停
勻叔重采錄古籀而以小篆法書之既定一字為正文兼取其
異者為重文凡有合於六書者備載之非有先舉小篆後言古
文之例無所為變例也且開卷第二部即出變例著書之惜當
不其然段氏創為此說它部言篆文者必輟轉傳會以為即上
字之例至誼不可通則曰淺人所改以辯慧濟其偏執非實事

求是之意

帝 辛下刪言字 注云俗本辛下有言非也言从辛舉辛可以

包言

按此備舉各字云皆从古文上以言从辛刪言則音从言章从音亦可刪矣

桑 讀若春麥為桑之桑 二桑字改作桑 注云為桑之桑字

从木各本譌以示不可解說文無桑字解說內或用方言俗字按桑非譌字古人言讀若者往往即用本字以方言俗語曉之高誘注淮南書屈讀秋雞無尾屈之屈易讀河閒易縣之易是其證也春麥為桑當是漢人方言說文本無桑字未可臆測

三 首句上增數名二字

按原文天地人之道也从三數詞義簡括正與二下云地之數

也从偶一文法同段以己意增數名二字也字下又依韻會改於文一耦二為三成數也全失許氏之舊

皇 始皇改作始王 注云各本謬今正

按皇字不誤段氏依韻會作从自王則於文義當作王矣

王 五德下增者字又改專為專 注云錯作專音敷布也汲古閣刊鉉本初作專後改專非也管子曰叩之其音清搏徹遠純而不殺搏古專壹字今本作搏蓋非此專謂專壹也上云舒揚矣則不必更云專

按曰舒揚曰遠聞則專字為是專以遠聞則不辭矣不得改管子之搏為搏而援以證此之改專作專也者字不必增

璫 玉下增也龍上增為

按云龍文璫龍為文可知增為字必欲其與琥解相配迂矣增

也字亦非

玼 改新玉色鮮也 注云各本無新詩音義兩引皆作新色鮮也今補

按改說文而又非陸氏所引原文

琚 改佩玉石也 注云各本作瓊琚也今正詩鄭風正義釋文皆引說文琚佩玉名衛風釋文又引琚佩玉名按雅佩謂之佩玉見周禮大戴禮玉藻詩鄭風秦風衛風尚書大傳賡以名字語不可通琚乃佩玉之一物不得云佩玉名也琚字廁於石次玉之類則名字為石之誤無疑木瓜毛傳琚佩玉石也許君用之今毛傳石謠為名莫能是正

按詩衛風報之以瓊琚鄭風佩玉瓊琚說文琚篆解曰瓊琚本詩為說義無謬舛衛風釋文琚佩玉名鄭風同俱不言說文鄭

風正義引說文琚佩玉也與今說文不同唐人引它字書往往有誤僞說文者無從攷定當存其異不得徑改本文至於改名為石則段氏以意說定之木瓜傳云琚佩玉名正義云有女同車云佩玉瓊琚故知琚佩玉名下傳瓊瑤美石瓊玖玉名三者互也琚瑤玖皆玉石雜也則名非謠字以字廁於玉次石之類而解云佩玉石是非玉石雜而竟以為佩玉閒之石矣琚乃佩玉之一物云佩玉名亦於義無乖

璣 改石之玉 注云錯本如此下有言次玉者四字蓋注釋語自璣至玖十八字皆似玉者鉉本作石之次玉者與錯本注皆非

按玉篆下云石之美有五德則質之美者為玉亦凡玉之總名璣瓊以下皆言玉也此云石之玉則與玉篆解及玉也之訓辭

異而義同無所區別錯本與鉉同不作石之玉言次玉者蓋以韻會為錯本耳

玼 改禮云作禮記曰 注云二字補

按此瑞盪二篆下韻會作禮記曰因亦改同其文增記字而易云為曰

芝神艸也 改艸作芝

按神艸不誤徐錯曰芝為瑞服之神仙故曰神艸

苓 改苓耳卷耳艸 注云苓耳逗各本脫今補釋艸毛傳皆曰卷耳苓耳也

按爾雅毛傳釋卷耳為苓耳說文解苓字云卷耳也詞各有當不應據彼文增改

節 改益州云 注云毛康云改生

按繫傳作生

耳 改从艸耳聲 注云今本作聰省聲淺人所朮改此形聲之

取雙聲不取疊韻者

按原文聰省聲取疊韻是也以偏旁為聲較省聲直捷淺人容
改聰省聲為耳聲未必改耳聲為聰省聲

葬 改古者葬

按許引書或撮舉其詞此則用易全文不當改

必 改从八弋八亦聲 注云八各本誤弋今正古八與必同讀
也

按錯作从八弋聲鉅作从八弋弋亦聲則弋非誤字八必同讀
乃方音非古音也

釋 刑物也二字

按必有物也二字其義始明

叛 改半反也从半反半亦聲 注云各本云半也从半反聲轉寫者多奪字

按从半反聲不誤改半亦聲則謬甚

牛 改事也理也像角頭三封尾之形也 注云此與羊祥也馬怒也武也一例自淺人不知此義乃改之云大牲也牛件也件事理也與吳字下妄增之曰姓也亦郡也同一紕繆

按件事理也句尋其文義疑非本文當是牛件也下後人為之注語段氏因件字為十九文之一說文本無謂牛件也為淺人所并大牲之訓亦以為非而去之反用事理二字分釋杜撰成文居然自謂說文云與羊祥也馬怒也武也一例若許書所本有者紐合傳會視淺人之紕繆殆有甚焉

牟 象上增乙 注云此合體象形與牟同意

按象其聲氣从口出謂乙也不必增乙牟下云从牟象聲氣上出謂乙也象上不作乙段氏既知與牟同意何以牟解仍舊文而獨改牟注

牽 作引而前也

按引前也文義簡古增而字非

𢇛 刪曰字

按籒下云春秋傳曰鄭有子籒此有曰字即其例也蓋古人文法有此

噲 改一曰噲曉也 注云凡一曰之下多複舉本字俗本作曉噲也非

按說文一曰下有複舉字者亦不必體例皆然即如曉字一曰

喙也並未複舉況倒其文而肌斷之詎可信乎噉小哧也則作噉噉於義為長

噉 作懼聲也

按幽風傳曰噉噉懼也許同毛傳

唬 改虎聲也从口虎讀若畧 注云錯本不誤鉉本改為唬聲

誤甚从口虎下錯本下有一曰虎聲四字鉉本此四字在从口之上皆淺人誤增

按此當从錯本肌改徒多紛擾

蹇 改从走寒省聲 注云今本蹇作蹇誤篇韻皆邱言虛言二

切鉉云九輦切

按此段依九輦之音改蹇為寒也依篇韻當作蹇省聲

赴 改从走夊聲 注云各本作決省聲非

按所改不可解

止 改从走止 注云各本有聲字非也止在一部徙在十六部

按支之古通用故徙字止聲段氏執必不通之說改為會意字非也

選 一曰下刪選字

按口部增下曰凡一曰之下多複舉字於此又刪之何也

逐 改从走豕省聲 注云鉉作从豚省錯本韻會作豕省二字

正豕省聲之誤也

按繫傳作豚省韻會乃作豕省徐鍇曰遯者走也逐者追也豚走而豕追之則豚省字非誤

斷 作齒本肉也 注云各本無肉元應引作齒肉也今補

按元應引作齒肉今作齒本肉則仍以己意定之

𪚩

改从齒此聲

注云各本作柴省聲淺人改也

按三國志大崖柴即此𪚩字恐作柴省聲者未必淺人改為此聲其人之深淺未可定也

𪚩

刪曰字

按釋下春秋傳曰宋有司馬慆則不引傳文而用曰字許氏文法如此

𪚩

歲下刪齒白二字

按說文馬八歲齒白也謂馬八歲齒如白非馬八歲曰𪚩此二字不可刪

𪚩

改長𪚩也

注云各本作長跪今正按係於拜曰跪不係於

拜曰𪚩范睢傳四言秦王𪚩而後乃云秦王再拜是也長𪚩乃古語

按解云長跪所以別跽於跪也改為長跽則未析其義不若本文之明顯

刪跂篆 蹇下注云各本於蹇上出跂篆云行不正也从足皮聲一曰足排之讀若彼此後人不知跂即𨾏之隸變而增之耳今刪凡經傳多作跂

按義相近之字多矣安得因𨾏刪跂鄭康成曰跂偏任也非即𨾏之隸變特其字固通用耳六書故謂為一字列𨾏於跂下以說文為非段氏依其說而又反諸祇存𨾏篆又曰經傳多作跂意欲抹倒一切而獨成其是

跂 改从足夊聲 注云各本作決省聲淺人改也

按跂古穴切作決省聲非淺人改

𠂔 刪倒字

按倒字貫兩句不當刪

增補書倒字附本有在本無

讀 改籀書也 注云籀各本作誦此淺人改也今正

按段氏注內詳言讀字之義最為明通學者可瞭然於古之訓詁而得讀書之法至謂淺人改籀書為誦書殊未必然許書之訓止言字之本義不備載他義言一曰者僅十之一二耳字之用廣矣於彼於此義各有當專用之為一義與他字聯屬又一義許惟言其最初者段云紬繹其義蘊為讀斷其章句為讀擬其音曰讀易其字以釋其義曰讀人所誦習曰讀謂誦誦亦為讀而讀之義不止於誦誦然必誦誦而後紬繹義蘊而後能斷其章句擬其音知其字之當易以釋其義則訓為誦書其詞渾括古人之文簡而要也廊風不可讀也非誦誦之謂故毛傳云讀抽也所謂義各有當籀訓讀書籀抽古通用而卜筮之辭曰

猶不得以讀解之未可主讀猶互訓之說輕易本文

諱 改忌也 注云鉉本認也在誠認二字之下淺人妄移也錯

本是矣而作認仍誤認誠也忌憎惡也故諱與謚誅為類

按認誠也錯曰今人言誠認是也以釋諱字非誤改認為忌是
以今義易古訓

訾 不字上增訾訾 注云逗二字今補

按許釋訾為不思稱意不必加訾訾二字

音 作聲生於心有節於外謂之音 注云十一字一句各本聲

下衍也字

按聲下云音也此音下云聲也二篆互訓是也非衍字樂記凡
音之起由人心生則生於心不連聲讀聲音二字對文則別散
文則通宮商角徵羽為五聲絲竹金石匏土革木為八音詩序

情發於聲聲成文謂之音樂記審聲以知音鄭注雜比曰音單
出曰聲對文則析言之也詩正義曰春秋傳此之謂夏聲公羊
傳云十一而稅頌聲作此聲即音散文則渾言之也刪也字十
一字為句知其一不知其二通人之蔽往往然矣

戒

改从卅戈持戈以戒不虞

按錯作从卅戈持以戒不虞鉉作从卅持戈以戒不虞段皆不
從而以已意定之下文兵从卅持斤并力之兒察其體例大徐
是也

𠄎

刪讀若沓三字

按刪去之意不可解

𠄎

作所以引軸者也注云所以者字依楊倞注荀卿補凡許

書所以字淺人往往刪之

按引軸也詞極簡質此古人文字增所以者字非也全書中如苑所以養禽獸學所以枝高者鬱酉所以祭也韃所以戢弓矢翳所以舞也算所以蔽翫底蘭所以盛弩矢韞所以拘弦朽所以涂也櫛所以儿器榜所以輔弓弩也榘水上橫木所以渡者棺所以掩尸園所以樹果也寔所以安人也冠所以綦髮燠所以然持火也廢所以申繒也潛所以攤水也閤所以止扉者閉所以距門也棚所以覆矢也摩旌旗所以指摩也匠所以作器也鉶所以載盛米菴所以盛糧鉞所以縫也鑽所以穿也鏤所以鈎門戶樞也酒所以治病也凡用所以字者原文具在淺人未嘗刪之段氏增所以字甚多此猶以楊倞注荀子藉口餘多以凡見竄入非盡有依據大約皆增所不必增此引軸也乃許本文非淺人刪字凡段增各字仍依部分次第列之駁詳本字

下

鞭 改毆也 注云毆各本作驅淺人改也今正毆上仍當有所以字

按鞭策鞭笞二義經傳皆有之隨文見義不得謂訓毆是而訓驅非也故曰許氏說解不備載各義若云淺人所改豈此淺人讀曲禮乘路馬載鞭策而未讀尚書鞭作官刑周禮條狼氏掌執鞭而趨辟之文讀左傳左執鞭弭而未讀鞭之見血鞭師曹三百之文乎恃才辯以逞言往往不適於理至云毆上仍當有所以二字則真大惑終身不解者矣

鬻 改炊釜鬻溢也 注云釜鬻溢各本作釜溢宋本作聲沸今參合定為釜鬻溢

按參合以定則段氏說文非許書也

爲 刪爪母猴象也五字 注云衍文

按下文言下腹則上五字非衍

𦍋 改从𦍋 𦍋 注云各本衍聲字非也

按𦍋與𦍋聲相近

𦍋 作讀若續 注云續大徐作賓淺人因糸部無續改之也

按繫傳亦作賓錯曰今俗作續則非淺人改也許言讀若有擬其音者有音同而義亦隨之者未可輕改

𦍋 改从古文乙作从古文𦍋

按作𦍋乃譌字

肱 改左或从肉

按解云𦍋或从肉不誤改左則非

𦍋 炎聲下接讀若涇以𦍋為重文解云籀文𦍋从羊 注云羊

音飪此重文也舊不分別出之殊誤炎部有變字云大韻也从
炎从又持辛辛者物韻味也廣韻謂此為曹憲文字指歸之說
然則炎部蓋本無變字俗用文字指歸說增之因辛辛相似辛
音同飪義訓韻遂依又部之籀文加炎部之小篆未為典要
按籀文變从羊見於解義而不出篆與古文上古文旅古文貴
之例同不必列為重文變訓和也炎部變訓大韻也義異从羊
从辛形異兩不相混惟玉篇變為變重文而炎部無變廣韻以
變變為二變訓和變訓韻云文字指歸从辛又炎是篇韻互異
而廣韻以變為變謂文字指歸作變注中存其異並未斥言曹
憲之誤也六書故乃云炎非變之聲疑變變變實一字辛之譌
辛辛之譌言此戴侗臆說且變在二十九葉炎于廉切在二十
四鹽何謂非聲段氏參合篇韻而復以己意定之故以變為重

文而云炎部本無變俗用文字指歸說增之未為典要然炎部變下段注曰此與又部變篆義別辛者物韻味也下注曰此說从辛之意也廣韻曰文字指歸从辛又言按文字指歸蓋用許說則又自相矛盾

畫

改介也从聿象田四介聿所以畫之

注云介各本作畤此

不識字義者所改今正从聿二字今補

篆增一畫注云田之外橫者二直者二今篆

畫省一畫非也

按介畤字通段氏以介訓畫也此畫應作介也為互訓然下文明云象田四界則作畤未必誤也畤為田竟為疆界介有隔義史傳常云介居類篇釋介引漢書介居河北是也田部畤下段注曰引申為凡邊竟之稱界之言介也介者畫也畫者介也象四界聿所以畫之介界古今字爾雅曰疆界垂也按垂遠邊也

既介畛古今字則此淺人尚未至不識字義尋求閒隙謾為詬詈而自詡其通曉學人之陋習也篆增一畫亦失之

攷 汲上增攷攷二字

按攷攷二字不必增

卦 作所以筮也 注云所以二字各本刪之今補

按筮也二字已明說文所無之字何得云刪

咎 作讀若委 注云此與小雅谷風怨讀如姜一例合音也左傳音義烏丸反引字林咎并無水也一皮反一皮即姜之平聲古讀如此集韻五支邕危切即一皮也近刊繫傳者益一字云讀若宛委謂讀若宛誤甚

按玉篇咎於丸於元二切廣韻廿二元於袁切廿六桓一丸切左傳音義烏丸反皆不讀委陸元朗采錄諸家音讀往往不能

定而兼存之學者當詳審而擇所從也字林不若說文之可據
宛委字不誤

眇 刪少亦聲 注云錯曰會意按物少則小故从少少亦聲

按刪本文而以少亦聲為己說

鼻 引上增所以 注云二字今補口下曰所以言食也舌下曰
所以言別味也是其例

按所以字不通如以口舌二字為例則耳目手足將盡改其解
乎

翬 作从羽开 注云錯本無聲鉉有益會意兼形聲也

按繫傳有聲字

翬 作从羽开 作从羽聲

按羽聲誤甚

嵩 作从佳山

按从少作从山誤

雉 作若雉 注云若鉉本及唐石經皆作若

皆作若若應作若

按錯本亦作若此韻會之譌字必仍誤本而改說文亦見其惑已

增魍篆云如小熊毛赤而黃从佳鬼聲 注云各本無此篆據言部譌下云从言魍聲必當有此篆但大徐補入鬼部未當今依爾雅補入佳部獸可言佳也

按此徐鉉所增十九文之一解云神獸也移入佳部而另為解義不意許書為後人顛倒錯亂如此

萊 改从竹从刪而字又刪从古文別

按段氏創為異說駁詳从下

羴 改西戎羊種也 注云各本作从羊人也廣韻韻會史記索
隱作牧羊人也學者多言牧羊人是其實非也下文言羴焦僥
字乃从人東夷字乃从大南方蠻閩字从虫以其蛇種也北方
狄字从犬以其犬種也東北方貉字从豸以其豸種也故字皆
不从人假令羴字从人牧羊則既人之矣何待羴焦僥始从人
哉且何不入人部而入羊部哉是許謂為羊種與蛇種犬種豸
種一例今正 又改从人从羊作从羊儿 注云各本誤
按羴為西戎牧羊人故字从羊从人繫傳及各本皆同惟六書
故謂許氏說非段氏以字从羊而以蠻閩貉狄字例之改為羊
種其言似是而實非蓋奉戴侗為奧主特未明言耳至此六種
也句非東上語謂此有六種惟西南楚人焦僥从人東夷从大
非除此二種而另為六種段未曾體味乃云上文止有四種不

得言六誤矣南方鹽閩下所云乃言其字之从某非上文作羊種而申明其義

鶯 改鳥有文章兒从鳥榮省聲 注云各本作鳥也必淺人所改詩有鶯其羽傳曰鶯鶯然有文章兒舊作也非淺人謂鶯即鶯字改說文為鳥也與下引詩不貫榮各本作榮今正說文榮省聲之字十九無榮省聲之字 又云鶯鶯猶榮榮也兒其光彩不定故从榮省會意兼形聲

按玉篇鶯鳥有文鶯黃鳥也廣韻鶯鳥羽文鶯黃鳥分為兩字說文則有鶯無鶯是鶯為後出字無疑鶯訓鳥也非淺人所改詩有鶯其羽傳曰鶯然有文章此隨文釋義蓋鶯鳥名又為鳥羽文玉篇鳥有文者謂鳥之有文廣韻鳥羽文者謂鳥羽有文然則鳥有文者謂之鶯義亦得通也云與引詩不貫其言似是

而非說文引書有證其義者有傳其辭而非即上文說解之義者全書中此例甚多姑即引詩者述數字以明之如芼訓艸覆蔓引詩左右芼之傳曰芼擇也不得謂與所引不貫而改艸覆蔓為擇也噶訓口气也引詩大車噶噶傳曰噶噶重遲兒不得謂與所引不貫而改口气為重遲兒噶小聲也引詩噶彼小星傳曰噶微也不得謂與所引不貫而改小聲為微也詵致言也引詩螽斯羽詵詵今傳曰詵詵眾多也不得謂與所引不貫而改致言為眾多也凡此皆非淺人所改何以與上文不貫也至謂鶯鶯猶熒熒兒其光彩不定尤為曲說熒字本義屋下鎗燭之光鳥羽之文不可以熒熒目之且毛傳云鶯然不作鶯鶯然不知段氏何據目部督下云榮省聲段改榮為熒於此鶯下又改之乃云說文無榮省聲之字何其誣也

鳩 改一名作一曰 注云一曰猶一名也

按既無異義何以必改

華 作所以推糞之器也 注云糞各本作棄今依篇韻正

按玉篇廣韻俱云棄糞器此段以己意酌定之凡段所凡改而云依某書及攷其書又非原文者多此類

羊矢曰臠矢當作豕

臠 改臂羊矢曰臠 注云各本作臂羊矢也鄉射禮音義引字

林臂羊豕也禮記音義引說文臂羊犬也皆不可通今正許嚴人物之辨人曰臂羊豕曰臠此其辨也許書之體本多言曰某轉寫者多改曰某二字為一也字既改曰臠為也又誤羊豕為矢襲繆者久矣不曰羊豕臂曰臠而先臂者何也尊人也

按語不可通當識其疑率意改之則不知而作矣以臂字為句南閣祭酒之書不若是其不辭也亦自知其未安乃云嚴人物

錢氏曰攷索問羊矢臠之名近臂臠

之辨以先言臂為尊人支離詰詘以證己說試思嚴人物之辨何獨在臙字如骨如體人與物皆得言之何以辭不別異段於家字注曰豕之生子最多人居聚處借用其字豈知有人物之辨邪竄易說文而謂轉寫者改曰臙為也誤羊豕為矢武斷之語轉寫者亦不受其誣 沈氏彤曰臙羊豕臂也釋文引字林作臂羊豕誤倒其文耳說文豕作矢聲之誤

臙 改从肉夊聲 注云鉉本作決省聲誤錯本亦同者張次立依鉉改之

按書中決省聲之字鉉錯同者皆不誤段氏遇字即改此又云張次立依鉉改錯強謂小徐與己同

肱 作贅肱也 注云各本奪肱字今補

按肱字不必增山海經北山經滑水其中多滑魚食之已肱注

肫贅也

臙 改臙也 注云臙各本謄臙

按臙為十九文之一蓋以說文解義有此字而增之今以為角部本無而所易仍說文未錄之字其謂之何

增臙篆云膏肥兒从肉學省聲 注云此篆舊無今補按臙臙二篆蓋古本皆無或增臙而失其解則不若併增臙也

按此之謂妄作云古併無臙其說未知何本

剝 改从刀朶朶刻也朶亦聲一曰剝割也 注云此篆解釋合

二徐本及尚書泰誓正義宋刻本參定

按合諸書而酌定其文尚得謂之許氏書乎

剝 刪人字

按人字不當刪

桂 改卅又可以劃麥 注云大徐本作桂錯本及集韻皆作冊

冊當是卅之誤今定作卅又鉉作又錯作又今定作又

按此段氏以意定其文未足據

簠 收上增所以二字

按原文收絲者已該所以之義

箸 改飯敝也 注云敝各本作敝又部云敝持去也危部敝陋

也敝者傾側意箸必傾側用之故曰飯敝宗廟敝器古亦當作敝器也

按箸以舉食則持去之意近之傾側用箸之說支離

簠 擊上增所以二字

按簠以擊人而擊人亦為簠簠字之義虛實兼有

筭 計上增所以二字

按云計歷數者不煩更用所以二字

箕 改所以簸者也 注云所以者三字今補全書中所以字為
淺人刪者多矣

按全書中本有所以二字者皆必當有而義始明其本無者皆
不必有也淺人增之而反謂有刪之者

曰 改从口 象口氣出也 注云各本作从口乙聲亦象口氣
出也非是考經音義曰从乙在口上乙象氣人將發語口上有
氣今據正

按此凡改說文祇參用陸氏語意耳

磬 改聲聲也 注云磬各本誤作鼓今正上林賦鏗鏘鏜磬漢
書文選作闐鞀郭璞曰闐鞀鼓音也此渾言之耳聲亦鼓也淮
南兵略訓若鐘之與鞀高注鐘鞀鼓聲聲此謂鐘鼓聲鞀聲聲

也

按段以郭氏云鼓音為渾言而定磬為聲聲並謂下磬篆可刪即磬之誤字皆所以求異於說文也

豈改一曰欲登也 注云各本作欲也登也多也字今刪正

按段氏此字注歷舉周漢文字用豈字者解釋其義而不足以證欲登之義

丹改。為、

按。象丹形改、謬甚

缺改夊聲 注云各本作決省聲今正

按決省聲不誤段氏於从夊之字作決省聲者皆改夊聲

張作況詞也 注云各本況下有也誤今刪

按也字不誤刪之非是

言 象下刪進字

按段注引禮經言饋食者薦飢也云言象薦孰則刪進字何意
來 來麤下增也字改一來二縫作二麥一麥 注云也字今補
各本作一來二縫不可通惟思文正義作一麥二麥今定為二
麥一麥麥即縫字之省許書無麥則山嵒字可作麥凡物之標
末皆可偁麥麥者束也二麥一麥為瑞麥如二米一稭為瑞黍
蓋同麥則亦同稭矣廣韻十六咍引埤蒼曰秣麤之麥一麥二
稭周受此瑞麥此一二兩字亦是互譌二麥一稭亦猶異晦同
穎雙酪共柢之類
按也字思文正義引有之一來二縫即一麥二麥之譌正可據
詩正義改定反謂一二兩字互譌并埤蒼一麥二稭亦誤而以
肥見改易何其繆也

𠂔 作从田儿 注云儿亦人字

按鉉本从田人錯作从田儿

梧 改名為曰 注云一曰猶一名也

按此與鳩字下改名為曰同俱不必改

朴 改梧也 注云各本作相高二字今正

梧𠂔皆當从田不从口

按相為梧之誤是也刪高字則非

梧 作𠂔高兒 注云各本無𠂔字今按玉篇朴下云忽高者正

用梧之解也

按增梧字非玉篇朴下云𠂔高即說文朴下之梧高非用梧之

解

十九葉上九行

𠂔 搆也上增所以字 注云二字今補

上𠂔字𠂔作𠂔

按手部搆𠂔也此互訓

櫨

作柱氏也

注云各本作砥誤今正

按柱砥不誤下文曰古用木今以石尚書大傳大夫有石材鄭曰石材柱下質也

枅

屋下增櫨字

按櫨篆段氏所增說文屋櫨也本不必加櫨字

枕

所下增以字 注云以字今補

按原文簡古不當增

梳

改所以理髮也

注云所以二字今補

按用之理髮者曰梳理髮亦曰梳則所以字非必當增者

櫨

杙上增所以

注云二字今補

按此與梳字增所以同為凡見

暴

作所以舉食者

注云所以二字今補

按原文有者字則增所以為贅

杼 刪之字

按此蓋因上文機持經者無之字而必刪之使同也以是律古書近於固矣

椎 作所以擊也 注云所以二字今補

按擊之物曰椎擊亦曰椎此與梳槩等字同而說文皆無所以字可見許氏著書之例如此非後人刪之

櫓 改罍之食器 注云罍各本作畜獸二字今正

按爾雅釋畜釋獸豕生于在釋獸未可以熊虎無櫓而刪獸字

柳 刪一曰堅也四字

按率意刪除殆近於妄

楫 改所以摧舟也 注云衛風傳曰楫所以摧舟也此許所本

今據以正今毛詩擢作權淺人所改也呼來濯之聲似應作權重去作權實下字从手

按說文楫舟濯也詞簡而義明許詩宗毛氏非每字之解必用毛傳不必依改權字許書所無漢書司馬相如傳濯鵠牛首鄧通傳以濯船為黃頭郎百官公卿表及劉屈氂傳元皇后傳作輯濯後漢書岑彭傳棹卒章懷注云東觀記作濯惟顏師古漢書注云濯與擢同又云濯本亦作擢列女傳呼來濯今行勿疑其字从手是作擢固有據而古書作濯者多不必以擢改濯也

打 作撞也 注云撞从手各本誤从禾今正

按改从手竊段氏臆測也顧野王本說文作撞不誤从禾者乃謠字耳

回 作口中象回轉之形

按增之字非

圃 一曰下增所以二字

按鉉本一曰禽獸曰圃錯作又禽獸有圃段依太平御覽增養字於是必增所以二字以足其義

圃 作所以種菜曰圃 注云所以二字今補

按此增所以字更拙

賢 作多財也 注云財各本作才今正賢本多財之稱引伸之凡多皆曰賢人稱賢能因習其引伸之義而廢其本義矣

按說文取下云古文以為賢字漢校官碑親取寶智袁良碑優取之寵皆以取為賢是古作取後乃加貝也多才為賢即賢能之義不待引伸詩我獨賢勞亦與多才意近必謂本多財之偁則單取陋巷之回聖人歎其賢為虛語止當曰使爾多財吾為爾宰矣此與賓字从貝不必穿鑿列子力命夷吾曰以財分人

謂之賢人或可釋从貝之義

貨 作二十三 注云各本作二十二今正

按漢儀注七歲至十四出口錢人二十以供天子至武帝時又口加三錢以補車騎馬見昭帝光武二紀注段據此改為二十三然細審上文小罰以財自贖又引漢律民不繇貨錢似非口錢之謂徐鍇曰貨錢即今庸直其說近之

沛 作沛國也

按鉉本作沛郡錯本作沛國郡段氏皆不從而作沛國也又注云當作沛國沛郡也非是

巷 作从邑省

按字从邑故曰从邑省从邑省則非篆形

昧 改昧爽且明也 注云昧字舊奪今補各本且作旦今正

按昧爽承篆文讀如參商離黃鶴周湫隘膝嘉肝燮漢燧詁訓
類癡之文非奪字晨光已啟曉色蒙籠此昧爽之時訓曰旦明
古今無異解且明二字意牽彊而文不辭下睹所解義皆改且
明並非

曉 改若為如

按如與若同許書多言讀若

旅 改从从从从俱也

解從彖段与大徐同云三徐皆不依旅矣

按當依小徐本作从从从从俱也故从从段氏二徐皆不从而
凡定之

舌 改舌也舌體已已从已象形已亦聲 注云象形二字各本

在舌體上今正謂困象舌輪郭及文理也

按體會原文段以意立說殊非許惜顛倒其辭非是

版 改片也 注云舊作判也淺人所改今正

按段以說文部首下第一字往往即以部首字解之故凡改為片實無別義以片釋版粗述者所易曉淺人容改判為片必不改片為判

牘 改片也 注云片各本作判今正副者判也牘則判木也

按牘為判木則不必改

禾 改从木象其穗 注云各本作从木从歟省象其穗九字淺人增四字不通今正

按从木象其穗語意晦原文並無乖舛非淺人增改

導 改導米也 注云各本刪導字改米為禾自呂氏字林顏氏家訓時已然今正導擇也擇米曰導米漢人語如此雅俗共知者漢書百官表後書陽帝和帝紀皆有導官注皆云導官主擇

米鄧后詔曰減大官導官自非共陵廟稻粱米不得導擇光武詔曰郡國異味有豫養導擇之勞凡作導者諱字也導米是常語故以導米釋導篆如河下云河水舊下云舊周之比淺人聚謂複字而刪之又改米為禾呂忱徐廣顏之推司馬貞皆執誤本說文謂導是禾名

賦公庶作文

按韻會導擇也治粟也相如封禪賦導一莖六穗之禾謂瑞禾一莖六穗舊韻書即以瑞禾釋導字誤段氏本之而援引眾文以證其說謂凡作導者皆諱字今攷漢書百官表後漢陽帝紀導官光武紀導擇字皆作導諸書導與導通導有擇義要不得即以訓禾為誤封禪書導一莖六穗於庖犧雙貉共抵之獸導與犧對文則導為禾名審矣而顏之推反謂自當有禾名導非相如所用以許為不達文章之體無怪後人之惑滋甚也盧文

召曰導是禾名亦有擇義凡一字而兼數義者許書多不詳備
斯言近之玉篇導一莖六穗瑞禾也廣韻禾一莖六穗索隱引
說文云嘉禾一名導豈可槩視為誤本導字从禾禾為嘉穀非
即米也自鄭德云一莖六穗謂嘉禾之米集韻遂云以粟為米
曰導大非和帝紀並無導官之文段氏記憶誤也

精

作擇米也

注云米字各本奪今補

按精訓擇詞義渾括米字不必增

粉

改所以傳面者也

注云所以字舊奪今補

按後人之文詞繁意複若惟恐人之不解者古無是也此粉字
大徐本作傳面者也小徐本作傳面者義已顯明何用增所以
字

白

作春白也

注云各本無白字今補杆下云春杆也則此當

云春白也明矣

按杵下非云春杵則其義不明此訓白為春白亦可云春也故下文春解云古者雖父初作春

可作讀若書曰藥不瞑眩 注云此許引孟子滕文公篇文也鄭注醫師亦引孟子藥不瞑眩厥疾無瘳趙注孟子云書逸篇也若今偽撰說命則采楚語為之許鄭所未見者大徐本作讀若周書繆甚

按鉉本作周書轉寫誤也段依小徐本又刪書曰下若字攷孟子滕文公篇云書云若藥不瞑眩周禮醫師鄭注亦引孟子若藥不瞑眩偽書說命采楚語文說命固偽撰而楚語非偽則孟子引書楚語言武丁作書非有二也楚語若金以下皆喻言故皆有若字惟醫師賈疏云藥不瞑眩

果 改网也 注云各本作周行也詩釋文引作冒也乃涉鄭箋而誤今尋上下文皆网名篇韻皆云果罟也更正鄭氏箋詩殷武改毛之罟入其阻為罟入云冒也就本義引伸之此鄭箋之易舊非經本有作罟者也各本米聲下有詩罟入其阻似許用鄭本今刪

按此字大徐本作周行也繫傳作周也錯曰网即周布之意詩釋文云罟面規切毛深也鄭冒也說文作罟从网米云冒也陸元朗所據與二徐本異罟字則說文所無五經文字曰罟說文罟釋文相承隸省是張參謂罟即罟亦以詩罟入其阻說文作罟也今正義本作罟與說文及張陸字不同玉篇罟罟也置也解義與說文異而書中無罟罟字則同廣韻五支曰罟罟也宋同上又出罟字云入也冒也周行也分罟罟為兩字以罟當說

文之采亦同正義本謂殷武詩作采也諸書歧異細意尋繹則張參是也說文祇有采篆解為周行凡字有數義者許書多不詳備不言畧義蓋全書體例如此不必疑有兩字也采與采字小異移米字而點於上作儿而下从木張參云隸省俗字也采必後出字因鄭箋冒也而改从一耳陸元朗引作冒也當存其異謂涉鄭箋而誤是武斷也段既云依篇韻更正復因上下文皆四名仍以凡見易畧為兩又以毛傳云深也謂毛本作突殊不思毛果作突釋文當云毛作突深也今於面規切下云毛深也鄭冒也說文作采則毛本非突字云鄭箋易舊非經文本本作采者更繆鄭易毛解非易經字許在鄭先人皆知之何云似許用鄭本而刪引詩之語惟經無二字故許鄭同許不引詩則殷武釋文何由知采入之字說文作采

何由知采入之字說文作采

上采字者作采

羅 改或从組作

按或从糸作是也改組非

帟 改繞領也 注云此篆之解各本改為下裳也無義又移其次於常下幘上今皆更正

按諸書言帟帟者不一說文帟篆云宏農謂帟帟也帟篆云下裳也急就篇注裳下裳也一名帟一名襪以帟帟為一物廣韻文部帟說文曰下裳也釋名曰連接裾幅也是說文下裳字非後人改又玉篇帟在肩背也釋名帟披也披之肩背不及下也以帟在上帟在下為二物而玉篇裳下云裳也帟與裳同以裳釋帟與說文不異今段氏據方言繞衿謂之帟廣雅繞領帟帟也遂改說文之訓謂繞領者圍繞於領今男子婦人披肩其遺意此率讀方言創為臆說不可從也衿領字雖古通用然方言

繞衿謂之帋非以帋為領郭注云俗人呼接下江東通言下裳又上文袒飾謂之直衿注云婦人初嫁所著上衣直衿也則所謂繞衿者連接直衿圍繞下幅與說文釋名初無異解非覆於肩上之領爾雅衿謂之交言衣交領非即帋也凡衽裾衿衿帔帋之解不加詳審往往誤會

企 改从人止 注云止下本無聲字有聲非也今正

按段執支之不通用之說故刪聲字非說文本無

何 作一曰誰也从人可聲

按錯本一曰在聲下倒之非

俱 作皆也 注云各本作偕字之誤也今正

按偕下一曰俱也此云偕也非誤字

假 刪一曰至也 注云此引經說假借也彳部曰假至也經典

多借假為假故稱之淺人不得其例乃於虞書曰之上妄加一
曰至也四字今刪正

按易王假有廟虞翻曰假至也毛詩雲漢泮水傳假至也烝民
元鳥長發鄭箋同此許引虞書假於上下是假之訓至確然有
徵一曰至也非淺人妄加假訓至也其字从彳與走通故詩
不遐有害傳曰遐遠也說文無遐徐鉉曰或通用假假假同訓
至而意稍別謂經典皆借假為假殊未必然禮運是謂大假假
與嘏義通故以假為嘏亦非假借

似作像也 注云各本作象也小徐作象肖也皆非今正像下
曰似也與此互訓

按像下曰象也本諸於經段肌改為似而即據以改似解誣妄
之甚

仇 刪春秋二字

按說文多云春秋國語不當刪

俄 作頃也 注云各本作行頃乃妄加行耳今正

按玉篇俄頃須臾也行頃義同真古言也不得妄刪

侮 改傷也 注云各本作傷誤徐鍇曰傷慢易字也鍇作注時

未誤

徐鍇案傷下作人乃為輕易也輕易與慢易同

按侮傷兩字義相近而稍有分別徐鍇釋侮字曰侮慢易字也
釋傷字曰人所為輕賤也並未以傷訓侮輕慢為侮如詩鴟鵂
或敢侮予孟子夫人必自侮恭者不侮人是也至柏舟詩受侮
不少正義云不勝小人之侵害常棣外禦其務鄭箋務侮也此
外侮非止輕慢而已蓋侵侮即有傷害之義故曰傷也

傷 改殤省聲 注云各本作殤省聲殤下又曰傷省聲今正

伏 叠犬字

按此解依繫傳而以己意增犬字乃注云小徐有此四字段氏之疑誤學者多此類

望 改似朝君 注云似各本譌以今正韻會作月望日如臣朝君於廷此釋从臣从王之意也

按日君也月臣也月與臣相望故曰朝君改似字即支離穿鑿謂以為譌是以不狂為狂

臥 改伏也 注云伏大徐作休誤

按繫傳亦作休與大徐同从人臣取其伏也言字所以从臣之義以臣象屈服之形非訓臥為伏也山部履臥也則休字為長玉篇眠也息也即本休義申言之

增衤篆云元服也从衣勻聲讀若均 注云各本無此篆衤篆下

云元服也蓋誤合為一今依閒居賦服以齊元李善注所引說文正左傳衾服振振服虔曰衾服黑服也吳都賦六軍衾服劉注衾卑服也士昏禮女從者畢衾元衾元言衣色月令孟冬乘元路鄭云今月令作衾似當為衾聲之誤也按今士昏禮月令衾皆譌作衾知其字形相近易誤矣又鄭釋士昏杜釋左傳皆釋衾為同此謂均即衾之假借耳李善引說文音均蓋有讀若均三字也

衾 改禪衣也一曰盛服从衣今聲 注云論語紵絺綌陸云本又作衾下曲禮注引論語作衾孔安國曰暑則單服玉藻振絺綌鄭云振讀為衾衾禪也孟子被衾衣亦當謂盛服趙云畫衣者不得其說姑依皋陶謨作繪言之耳然則衾亦可訓盛服若大徐作元服小徐作衾服引鄒陽書衾服釋之當是脫誤之後

改元為衽傳會成說

按玉篇衽元服也綠也又單也之忍之刃二切衽同上衽戎服也裳削幅也純也居純切廣韻十六軫云衽說文云元服也十八諱衽戎衣也左傳曰均服振振字書从衣是衽衽兩字而說文有衽無衽自當詳求其故若率意增改自為著作則乖注書之體矣以衽字解移於衽下亦未允協又所引之書多改其字是予人以不可信也如月令孟冬乘元路鄭注云今月令曰乘軫路似當為衽字之誤也正義曰軫是車之後材路皆有軫何得云乘軫路此軫字當衣旁著今衽是元色故以今月令軫似當為衽字錯誤以車旁為之段氏乃改為今月令作衽似當為衽聲之誤也豈謂天下之人俱目未見禮記注疏可造作文字以紿之乎段每立一說必繁稱博引以為左證細審之往往不

合又輒改字以就已說誣古人而誤來者著述之所以不醇也
今詳攷之左傳均服振振周禮疏云賈服等皆為均均同也經
典釋文均同也字書作衿又司几筵設莞筵粉純注云讀為均
服之均是衿字古皆作均後人以均服言戎衣遂加衣旁耳杜
注左傳戎事上下同服管子大匡篇同甲十萬同甲者均服之
謂呂覽悔過篇今衿服回建高誘注衿同也兵服上下無別故
曰衿服劉淵林吳都賦注衿同也淮南子尸祝衿衿高誘注衿
純服衿黑齊衣也不言衿即衿戰國策願補黑衣之數注黑衣
戎服古戎服黑色以上下皆元故謂之黑服非衿訓為黑惠氏
棟曰服虔謂衿服為黑服失之士冠禮兄弟畢衿元注衿同也
元者元衣元裳也古文衿為均也士昏禮女從者畢衿元注衿
同也同元者上下皆元也此二經衿字蓋今文作衿轉寫作衿

以形相似聲相近而誤凡訓同之字古作均字書作衿也段氏以元服釋衿依服虔黑服之解並據李善引說文劉氏吳郡賦注引左傳作衿不知乃文選注之誤司馬彪與服志宗廟諸祀皆服衿元劉昭注亦踵其失鄭康成同元之解明白如是何煩異說至衿則訓為元服與衿不同是以月令乘元路鄭謂今月令軫似當為衿正義曰必知衿字為色者以此經云乘元路元衿義同此衿為元服之確證大徐本不誤小徐作衿服引鄒陽上書趙人衿服釋之非是衿又訓單鄭注玉藻振紕紕不入公門云振讀如衿衿單也許書一字數義多不備錄即如論語紕紕紕作紕訓單衣說文止云紕轉也不得改解義為單而刪轉也之訓亦不得云轉也一曰單也讀與衿同故說文非脫誤其不別出衿篆者古作均服賈逵左傳亦作均許從逵受古學不

作衾也土部解均為平偏即該同義爾雅備均也郭注云齊等亦同之說也孟子被衿衣趙岐以畫衣釋之段云亦當為盛服梁侍講同書曰三國志魏文帝紀注舜承堯後被珍裘妻二女若固有之此必孟子之文衿字古無盛服之義其說為長增一曰盛服四字非也且既改元服為單衣而又云盛服說文全書中一曰云云皆別一義然無如此乖牾者類篇衿同也引儀禮兄弟畢衿元之文而未審古文衿為均之注字書均服作衾服未聞均服作衿服也

耄 改从老省勿象形 注云各本作易省行象誤今正此非易省乃象步小相迫之狀也

按大徐从老省易省不誤段說穿鑿且勿何以見為步小相迫之狀乎

反

作从尸又申尸之後也

注云此九字大徐小徐本皆不完

今補

按徐鉉曰注似闕脫未詳小徐亦仍舊文闕疑之意也以肥見補之是謂妄作

舫

舫人下重舫人二字

注云二字舊奪今補

按補二字贅

儿

刪仁人也三字

注云俗本古文奇字之上妄添仁人也三

字是謂蛇足

按仁人也乃古訓非蛇足段因玉篇先云仁人也孔子曰人在下故詰屈後云說文曰古文奇字人也象形遂謂說文無此三字

覲

作外博衆視也

注下舊視上有多字今依廣韻刪

按廣韻云眾視不引說文無外博字此段氏以己意刪而借廣韻為說

覲 作勤勞王事也 注云勤也二字舊奪今補

按周禮鄭注覲之言勤也欲其勤王事也增勤字於義無乖然原文古質字義已明不必改

歛 刪車字

按車字不當刪

敵 改吹也 注云吹大徐作吟

按繫傳亦作吟

俗傷景古徐作頤枕小徐作頤頤後漢記并

頤 改玉枕也 注云各本作頤頤小徐作頤枕廣韻作頤頤醫

經本作玉枕許說同一譌為頤頤再譌為頤頤皆非也

按繫傳作頤頤小徐云謂頤後承枕骨也並未易本文頤頤作

項枕玉篇引說文與二徐本同廣韻四十七寢煩頭骨後煩音同枕以其屬頭骨後故云項煩非謠字段據醫經作玉枕謂廣韻項字注謠玉為項遂改說文非也

𦘒 刪百同二字 注云妄人所增許書絕無此例惟麻下云與𦘒同亦妄人所增也 又𦘒象髮下叠髮字 注云髮字舊奪今補

按𦘒下云百同麻下云與𦘒同其體例一也俱刪之而云許無此例妄人所增學問之道可如是其武斷乎玉篇引說文作與百同何以顧野王之前早有此擅改說文之妄人也𦘒象髮謂之𦘒解義明白增髮字亦誤

𦘒 改𦘒首也 注云三字句各本作下首也亦由淺人不知三字句之例而改之

禮運正義按說久耐者煩也二語
查耐字下皆多一不知何據
引耐字
耐字誤
誤

按鄭康成曰鬠皆拜頭至地也與下首義同言下皆而字意瞭然矣南閣祭酒著書時不知後有淺人創為三字句之例故不作鬠皆也

須 改頤下毛也 注云各本譌作面毛也今正禮運正義曰按說文云耐者鬠也鬠謂頤下之毛象形字也今本而篆下云頤毛也須篆下云面毛也語皆不通毛篆下云眉髮之屬故眉解目上毛須解頤下毛須在頤者謂之鬠不謂之而釋須為面毛則尤無理須在頤下鬠在口上鬠在頤其名分別有定易賁其須侯果曰自三至上有頤之象二在頤下須之象也

按言皆有據故備錄其文然謂面毛之語不通則非也蓋分言之面與眉目口耳鼻頤頤部位各有定名而是數者皆在於面故統言之曰面須在頤下鬠在口上鬠在頤亦分言之而鬠解

云口上須也顙解云頰須也其字皆須之屬說解亦分別以須言之則須其統併故曰面毛五經文字廣韻韻會皆引說文面毛玉篇集韻類篇注云面毛也亦本說文無有言其誤者讀書當推求古人立言之意未可輕議其非拘泥勢通則動多窒礙矣

髮 改頭上毛也 注云各本作根也以釋名廣雅正之乃拔也之誤要之二字不必有耳毛部曰毛者看髮之屬故看曰目上毛須曰頤下毛則髮下必當有頭上毛也四字

按漢儒學有家法髮云根也意旨甚深非淺人所能道必當日師說相承之古義云拔也之誤要之二字不必有非也釋名多以聲相近之字言其義故曰髮拔也拔與根形聲俱別斷非誤舛須云頤下毛乃段氏所改而引以為據竟似許氏本文何其

誣也

聾 改耳聲 注云各本作聾省聲今正

按艸部聾段改聰省聲為耳聲已辨其非此猶前失也

后 象人之形下改从口易曰后以施令告四方 注云各本淺人所竄不成文理上體既象人何得又云从厂且从一乎今以下后字文法更定則宜有易曰審矣

按施令以下與象形之說不合疑有舛謬但以意更定亦非

苟 改从艸省从勺口勺口猶慎言也 又與上刪茅字 注云

从勺口三字各本作从包省从口五字誤也勺口逗各本無勺字今補疊茅字誤今刪

按原文从茅省从包省从口不誤所改非段以己意律說文多所竄易皆此類

山部自徂以下解義俱於山下增也非許意

龠 民下增俗字

按段氏往往以今人文法改古書大謬

广 屋下增也又增从厂二字

按增也字已非加从厂更謬

屢 作一曰所以種也 注云所以二字各本奪今補謂以屢貯

穀播種於地也

按就其所注增所以二字義亦未安

厝 改厝石也 注云各本作厲石今正小雅鶴鳴傳曰錯錯石

也今本少一錯字錯古作厝謂石之可以攻玉者如今之金剛

鑽之類非厲石也

按舊訓皆云厲石詩毛傳錯石也可以琢玉云今本少一錯字

未知所據毛云可以琢玉恐非金剛鑽之類

刪礦字重文卅 注云周禮鄭注云卅之言礦也賈疏云經所云
卅是總角之卅字此官取金玉於卅字無所用故轉從石邊廣
之字語甚明析卅之言礦卅非礦字也凡云之言者皆就其雙
聲疊韻以得其轉注假借之用卅本說文卯字古音如關亦如
鯤引伸為總角卅兮之卅又假借為金玉璞之礦讀周禮者徑
謂卅即礦字則非矣又或云與角卅之字有別亦誤五經文字
曰卅古患反見詩風說文以為古卯字九經字樣曰卅卯上說
文下隸變是說文卯字作卅唐時不誤確然可證五經文字又
云卅字林不見可證卅變為卯始於字林今說文作卯不作卅
則五季以後據字林改說文者所為也說文既無卅乃有淺人
於石部妄增之果是古文礦則鄭何必云之言今於卯部正之

於石部刪之五經文字云說文以為古卯字謂說文作卩乃古卯也九經字樣語甚明

按周禮地官卩人鄭注卩之言礦也

礦卽

卩又為總角卩今之

卩毛曰幼穉也孫愐曰總角也又內則濡魚卵醬卵本卩字五經文字曰卩古患反見詩風又古猛反見周禮說文以為古卯字集韻類篇卩礦同字金玉未成器也蓋古時字少一字數用如丐古文以為丐字又以為巧字茂古文旅而古文以為魯衛之魯廿二十并也古文以為疾字皆是也說文卩古文礦鄭注卩之言礦與說文正合錢少詹事大昕曰卩礦聲相近故古文借礦禮記內則濡魚卵醬實蓼注卵讀為鯢鯢魚子或作攔內則之卵本是卩字故又有攔音并從卩聲關又從彡聲攔則漢時俗字也段云卩非礦字於此刪卩於卯下增卩云古文卯注

云引伸之內則濡魚卵醬又引伸之為詩總角卅兮又引伸之
周禮有卅人於此注云引伸為總角卅兮之卅又假借為金玉
璞之礦夫曰非其字而又言是引伸之義其說兩歧云果是古
文礦鄭何必云之言此知其一而泥於一所謂通而蔽也注書
必舉其義卅非礦字義不相涉鄭何得云之言哉於雙聲疊韻
得假借之用固如是哉且經字有假借作注者必非假借它字
以釋經鄭氏注經其字之誤者曰某當為某擬其音者曰讀如
讀若易其字者曰讀為讀曰乃段氏平日所講求而通曉者此
卅之言礦非三者之例謂古文以為礦字別於總角卅兮及讀
若鯤之義也賈疏乃云官取金玉卅字無所用故轉從石旁廣
之字是竟以鄭為易字豈其然乎賈公彥信今不信古段氏用
是刪之并不信經甚矣其惑也此刪卅篆猶女部嬖慕也為今

應字嬌下重文變曰籀文嬌趙氏及毛原本刪之其誤正同五
經不言𠂔非礪云說文以為古卯字容所據本解義有之至謂
𠂔變為卯始於字林說文本作𠂔不作卯其說更多窒礙卯為
部首居五百四十部之一如不作卯則下文𦍋篆無可附麗九
經字樣曰𠂔卯上說文下隸變段氏既從其說而仍先列卯篆
增𠂔為重文云古文卯是以隸變為正文許叙篆合以古籀未
有采錄隸變以為部首者且卯次𦍋後篆作𦍋為凡物卯生象
形之字其非隸變明甚唐元度誤會張參之語而為是說非也
若刪春秋二字

按書中引國語有春秋字者皆不當刪

礪刪曰字 注云舊有曰字今刪正

按此篆段改作礪是也解刪曰字則非經下云春秋傳曰宋司

馬樞箋下云春秋傳曰鄭有子籥此云春秋傳曰鄭公孫破蓋許書文體如是韓寫者安得每字皆謠若後人增之則無謂

磬 改石樂也从石声象縣虞之形及所以擊之也 注云石樂本作樂石誤声作磬上屬今正所以二字今補瑟下云弦樂蕭飀下皆云管樂則此當云石樂信矣匡謬正俗所引已作樂石其誤已久或疑樂石字見釋山刻石不知與此無涉也彼謂可樂之石此謂製石之樂

按解磬為石樂謂釋山刻之樂石與此無涉乍觀之似其說是細審則非原文樂石詞意古渾無所為誤樂器之字多矣豈得盡改其注以從瑟蕭飀三字之例顏師古曰禹貢泗濱浮磬言泗水之濱有石可以為磬蓋秦之所刻即是磬石近泗濱故謂之樂石耳近惠氏棟亦引釋山碑以證說文段氏以小顏為非

云謂可樂之石其義牽強从石鼓不誤象字貫下句及擊之也
言从殳之意非釋殳字增所以二字亦非讀書當實事求是巧
說哀辭許氏所斥也

碓 作所以舂也 注云所以二字各本無今補

按舂米者為碓舂之亦為碓不必增所以字

而 改頤也象形 注云各本作頤毛也象毛之形今正頤毛者
頤部所謂頤頤之類耳禮運正義引說文曰而頤也頤謂頤下
之毛象形字也知唐初本頤篆下頤毛也而篆下云頤也二篆
相為轉注其象形則首畫象鼻端次象人中次象口上之頤次
象承漿及頤下者蓋而為口上口下之總名分言之則口上為
頤口下為頤頤本頤下之專稱頤與承漿與頤頤皆得稱頤是
以而之訓曰頤也象形

影須者以上二行者當作謂

按禮記禮運故聖人耐以天下為一家注云耐古能字正義曰
按說文云耐者鬚也鬚者頤下之毛象形字也正義申言經文
及注耐字之義引說文鬚也今說文無之容唐初本耐下有此
二字至鬚謂以下則正義之言也段以正義改說文須字之解
於此則改耐者鬚也為而須也以改而字之解若云記憶有誤
則須注先引禮運正義並未誤也如其立意以須訓而故易其
文以為己證是謂世之學者俱不讀注疏即檢及亦孰視無睹
并不能察段氏兩引歧異而指摘之也即欲為之曲解曰古耐
與能通能與而同故不妨以耐為而然說文而下出耐篆云罪
不至髡也从彡从而而亦聲析為兩字不得以耐注為而注漢
書高帝紀注應劭曰輕罪不至於髡完其耐鬚故曰耐古耐字
从彡杜林以為法度之字皆从寸後改如是應仲遠連言耐鬚

鬢為頰髮則形亦當謂頰頰也至而下作頰毛也確然不誤考
工記作其鱗之而注云之而頰頰也即鄭語可悟所改之非說
文云象毛之形乃謂象鼻端人中口上承漿頤下之形肥說裏
辭真小學之異端矣

豕 改按今世字誤以豕為豕以豕為豕何以明之為豕豕从豕
豕从豕皆取其聲以是明之

按原文舛錯而所改亦未協孫星衍曰疑作誤以豕為豕以豕
為豕何以明之為豕豕从豕豕从豕其言近是

駢 作駢也旁馬也 注云各本無上也字不可通今補禮記正
義文選注引說文或作旁馬也三字或作駢旁馬也四字正由
有二也字而奪一耳

按大徐本二也字俱無禮記正義文選注引或有駢字或無駢

其義不殊詩箋曰駢兩駢也觀禮注檀弓注皆云駢馬曰駢高誘注呂覽云在中曰服在邊曰駢又云兩馬在邊曰駢故駢下云駢申之曰旁馬也非不可通且有上也字則似兩義

騫 改繫為墊 注云墊各本作繫自篇韻已然小徐作熱則更誤今正土部曰墊者下也馬腹墊正俗所云肚腹低陷也

按云繫必謂馬腹病結聚不得舒也以意改為墊解之曰肚腹低陷非

騷 改摩馬也 注云各本摩馬也上有擾也一曰四字淺人所

增也今刪正

按段以字从馬通部字皆主馬說故以摩馬為本義然騷動也爾雅釋詁文詩常武傳亦云動也擾即動義檀弓騷騷爾注云大疾義亦相近擾必古訓許正以馬部故采摩馬之說馬行健

性主乎動故駢援之字从馬詩緹駢鄭康成作駢駢謂傳遽之駢馳走以相恐動援也之訓必非淺人所增一曰摩馬又一義也

畢 改从馬○其足 注云象絆之形

按篆非○形

增免篆云兔逸也从兔不見足會意 注云許書失此字而形聲多用為偏旁不可闕也今補

按許書無劉志駢希崔由免諸字而偏旁皆有之徐鍇曰此蓋相承脫誤非著書之本無然鍇言其脫誤而不增補惟於疑義篇記之蓋仍舊文而不輕改本書學者生古人後不敢妄作乃其分也錢少詹大昕曰兔有免音廣雅兔脫也論衡道虛篇兔去皮膚免與脫同義說文無免字免即兔也兔善逃失借為脫

兔字有兩音而非兩字漢隸偶闕一筆世人遂區而二之轉疑說文為漏載失之甚矣其說明通然則兔非脫落與劉志等字又不同矣段氏注語及之而不以為然即說文果有此字解義亦必不與段同逸下云兔謾訛善逃失也如段解與逸何異而必增之

獒

作犬知人心 注云知一作如

按公羊傳何休云周狗可以比周之狗所指如意者正與如人心可使義合二徐俱作如是也

狘

改讀若作讀如

按如若義同而許書多作讀若

熊

作熊獸似豕

按熊字不必增

黑 火所熏上增北方色也 注云四字各本無依青赤白三部
下云東方色南方色西方色黃下亦云地之色則當有此四字
明矣今補

按古人著書文簡而義該往往舉一二以見例不必每字每句
求其相合也如五藏配五行古文說與博士說各異唯腎為水
藏同而說文云心土藏博士說以為火藏至脾土藏肝木藏肺
金藏則但用博士說不言古文異同錢少詹事大昕曰此舉一
反三之例也木東方之行金西方之行火南方之行水北方之
行則土為中央之行可知鹹北方味也而酸苦辛甘皆不言方
霸水音也而宮商角徵皆不言音鐘秋分之音鼓春分之音而
不言二至至正月之音管十二月之音而不言餘月龍鱗蟲之
長而毛羽介蟲之長不言皆舉一二以見例非有遺漏則青云

東方色赤云南方色白云西方色而黑不言北方色無足異也
拘泥五方當言五色假如以天地四方為言黃云地之色將於
元下補天之色乎律以填詞按譜後世時文對股之法則許氏
之疏多矣

黔 色下刪也字

按語意不當刪也字

膳 作畫署墨也 注云依小徐有墨字玉篇作黑

按繫傳無墨字

膳 作宗廟火孰肉天子所以饋同姓 注云各本作以饋同姓
四字在有事膳焉之下非也今正

按各本作以饋同姓諸侯六字非四字左傳天子有事膳焉言
天子優先代之後饋及異姓也許氏引傳語明膳字之解故必

申之曰以饋同姓諸侯言歸膳之常制非有舛誤

赫 改大赤兒 注云大各本作火今正此謂赤非謂火也

按詩傳訓赫非一義尋許書體例赫从二赤赤从火則火赤兒非誤字也

允 作尫也 注云各本少也字遂不可讀今補

按段依允經字樣作曲脰人也則上文必增也字依原文非不可讀

尫 改篆文从艹 注云允者古文象形字尫者小篆形聲字此亦古文二篆文上之例必取古文為部首者以其屬皆从古文也

按此因倉頡舊部全部多古文尫亦古文也執古文二篆文上之謬說而又以例此析言破律亂名改作是之謂矣

臭 改大白也 注云各本白下有澤字其誤不知始於何時獸

名白澤故非經典即有此物孰別其大小乎淺人妄增玉篇廣
韻仍之說石鼓文者又引以為證古來郢書燕說類多如此

按徐鍇曰澤和潤也不言獸名未可因郭氏之說而并疑說文
竣 改居也 注云各本作倭竣也今正尸部曰居蹲也郭注山
海經徐廣史記音義皆曰竣古蹲字許書之竣蓋與蹲音義皆
同也居謠倭倭謠倭竣乃複舉字倒於下遂為倭竣矣古書之
謠外可正者類如此

按倭竣之解說者謂即倭倭不足據也疑者當闕歟然改為居
也在段氏確有依據字書多云竣與竣同張衡東京賦已事而
竣李善注引國語云竣與竣同段氏遂以竣為竣矣徐廣云蹲
古作竣淮南子注竣猶蹲段氏遂謂竣蹲同義矣又廣韻十八

譚竣止也倨也倨為不遜以訓竣字義無可徵因說文蹲居互訓段氏遂謂廣韻居謫作倨而以居釋竣矣今詳審之未敢以為是也說文無竣而相承用之為止為退伏讀作七倫切者則義同於竣若史記貨殖傳之蹲鵠徐廣曰蹲古作竣淮南子曰中有竣鳥高誘云竣猶蹲也張衡西京賦大雀竣竣讀為徂尊切又租昆切者竣與蹲通而不與竣同不得云竣蹲同義竣固無蹲音也說文从立夊聲下引國語有司已事而竣非別一義非言假借字非引書以證形與音也謂有司已事而蹲居有是理乎玉篇竣止也退伏也韋昭注國語亦云退伏也並無居義蹲居互訓自有本字非可同也許錄蹲竣而不錄竣明蹲竣同字與徐廣高誘說亦不相戾後人用竣字通作竣耳爾雅釋言遄退也郭注外傳曰已復於事而遄玉篇遄退也此則音義皆

同者凡定為居且言展轉致誤之由支離詰詘以成其武斷而云正古書之謬舛未必然矣

息 刪自亦聲 注云自非其聲類此不知韻理者所為也

按段氏以志職為一部謂志至必不可通自在至韻故曰非其聲類然志至古同用不當偏執說文非不知韻理叔重著書時不能逆知段氏之說而與同也

意 改志也从心音察言而知意也

按此解大小徐本互異段氏皆不從而以意顛倒其文

慙 改問也作肯也 注云各本作問也玉篇作問也左傳音義

引字林問也問者肯之誤問者問之誤十月正義引慙肯从心也當是引慙肯也从心秋聲誤以也字倒於从心之下不成文理耳今依肯字

按玉篇引說文閒也釋文引字林閒也字林當本說文此閒字自是閒之譌字詩十月之災正義曰說文愁眉从心也言初時心所不欲後始勉強而肯從此釋鄭箋心不欲勉強之辭故連引从心二字非有脫文亦非誤倒也字文理並無不順段依正義作眉謂閒為眉之誤非也正義釋箋語而段注以鄭箋釋一曰且也之解以正義為作眉之據義亦未協正義引說文作眉當存其異

怕 作無偽也 注云偽各本作為今按許以為訓毋猴偽訓作也是許書作為字皆當作作偽也今本人部偽下曰詐也淺人所改耳

按字非一義許書言數義者少大槩多舉本義其兼數義者不備載非止當用本字下所言之義而一切義不可用也尚書南

訛字漢書王莽傳作南偽史記索隱本作南為小司馬云為依
字讀春言東作夏言南為皆是耕作營為勸農之事月令毋或
作為淫巧鄭注今月令作為詐偽荀子可學而能可事而成之
在人者謂之偽古偽與為通而不得謂為必當作偽為訓毋猴
亦用為作為字偽即為亦以為虛偽字釋詁食詐偽也以偽釋
詐則以詐訓偽是矣淺人能通爾雅亦復難得

情

作壻省聲

注云壻者篆文陟字見阜部按肉部有隋字則

此當云隋聲

按鉉作壻省錯作隋聲既以隋聲為是何以不依繫傳而必改
其文

愜

改太息兒

注云各本大作太兒作也皆誤今正古無太息

連文者淺人為之也口部嘆下曰太息也太息呼吸之大者也

按古太字多作大故口部喟云大息也嘆下云一曰大息也非
小大之謂史記高祖紀常繇咸陽縱觀秦皇帝喟然太息曰嗟
乎大丈夫當如此也蘇秦傳仰天太息曰寡人雖不肖必不能
事秦陳涉世家陳涉太息曰嗟乎燕雀安知鴻鵠之志哉九歌
思夫君兮太息漢書賈誼傳可為長太息者六謂古無太息連
文豈其然乎凡太息字或將彊辨長太息而解為長大息則不
辭甚矣詩愴我寤嘆鄭云愴嘆息之意不云太息

悵 作詩曰憂心如焚 注云許所據作焚引之以明會意也此

靈麓引易之例今更正

按段氏自立一說強書就我皆此類節南山釋文云悵韓詩作
炎說文作災此許不作炎明矣

渾 改渾流聲也 注云渾作混者誤

錯謫愈深下僇下免夫捨同族作僇下之吏亦狀若無所制策則為國益且自佚

按混豐流也渾混流聲作混是也渾亂也與渾解異段氏因渾
一曰沔下兒渾一曰水濁兒義相近而改其字不循其本義而
從別一義非

泐 作水之理也 注云各本水下有石字今刪官部曰防地理
也从官木部曰初木之理也从木然則泐訓水之理从水無疑
矣淺人不知水有理又見下文引周禮說石乃妄增一字

按水有理由石有時而泐故言水石之理不當刪石字

汲 作从及水及亦聲 注云本作从水从及今訂小徐作从水
及聲

按大小徐文小異而意則同必以己意定之何也

霰 作地氣發天不應曰霰 注云曰霰二字今補

按段以下替字云天气下地不應曰替欲其字句相合增曰霰

二字其識拘而任意增改則妄

燕 作燕燕元鳥也 注云各本無燕燕二字今補

按詩邶風正義曰此燕即今之燕古人重言之爾雅云燕燕駉此段氏所以必增也說文主於解字原書所無可不補

乞 改乞鳥也 注云元鳥二字淺人所增

按商頌天命元鳥毛傳曰元鳥駉也此乞訓元鳥也與詩傳合未可云淺人增

耳 作主聽者也 注云者字今補

按增者字非

耳 作从耳下垂 注云下今補 又刪公子耳下耳字

按下垂即謂下也錯作秦公子耳耳者其耳垂也段氏增省無當皆此類

捧 改首至手也 注云各本作首至地也今正首至地謂顙首
拜中之一不可該九拜拜之名生於空首故許言首至手詳言
曰拜手省言曰拜拜本專為空首之儀引申之則顙首頓首肅
拜皆曰拜

按周禮明言九拜一曰顙首二曰頓首三曰空首何得云拜專
為空首之儀但言首至手亦不可該九拜鄭注顙首拜頭至地
也頓首拜頭叩地也許言首至地舉拜之重者言之也

揖 改引聖也 注云聖各本作取今正

按周易鄭注揖取也則取為古訓詩棣之隔隔鄭箋曰棣揖也
以揖釋棣謂築牆者揖取取土此因文見義亦與引取意合許
書專為解字引取二字最為渾括所改非是

撫 改一曰撫也 注云撫各本作循今正

按徐鍇釋之曰尚書撫于五辰循于五時乃說文作循之證

姓作故偁天子因生以為姓从女生生亦聲春秋傳曰天子因

生以賜姓注云大小徐本互異由淺人不學以為重複故大

徐本刪因生以為姓五字小徐刪春秋傳以下十一字皆非

按大小徐互異所據異本也大徐無因生以下五字小徐少春

秋傳以下十一字豈刪之者有兩淺人與抑一人而刪二書也

惟段氏自謂得許書之旨而以己意定之

妃作从女己注云各本下有聲字今刪此會意字以女儷己

也

按以女儷己其說穿鑿

姓改从女兔生注云小徐作从女尪聲大徐作从女从生兔

聲恐皆誤以免為聲更非蓋元應在唐初已誤矣今正

按小徐作魁聲是也免有免音大徐本免聲亦不甚誤

娣 改同夫之女弟也 注云小徐本有夫之二字尚少同字今

補釋親曰女子同出謂先生為姒後生為娣孫郭皆言同出謂
俱嫁事一夫公羊傳曰娣者何女弟也大雅韓奕傳曰諸侯一
娶九女二女媵之諸娣眾妾也女子謂女兄弟曰姊妹與男子
同而惟媵己之妹則謂之娣禮喪服經皆言妹無言娣者今大
徐本作女弟也非是小徐本又妹娣二篆互譌娣下曰女弟也
妹下曰夫之女弟也楚金以班昭女誠嬖妹之傳注之夫妹呼
女叔見昏義注呼妹則名不正矣今本爾雅轉寫女叔誤女妹
不可不正

按鉉錯皆作女弟也與公羊傳合非有誤脫妹下錯作夫之女
弟也以班昭女誠嬖妹證之蓋時俗有此僞爾雅郭注亦云今

謂之女妹是也。據注女妹為今時之稱，則爾雅本文自當是女
叔與昏義。鄭注合今本涉注語而譌。小徐依誤本爾雅增夫之
二字，並非與弟解互譌。乃忽併小徐本弟下有夫之二字，尚少
同字，忽併妹弟二篆互譌其詞，不一抑又何也。男子謂後生女
子為妹，則大徐本作女弟是已。弟訓女弟，就女子言妹，訓女弟
就男子言也。又爾雅釋親長婦謂稚婦，為姊婦。稚婦謂長婦為
似婦。注云：今相呼先後或云妯娌，是同出謂後生為姊，長婦謂
稚婦亦為姊。段注並未及之。

妝 改从女升聲

四十六卷下六行
引爾雅釋親云：段引在○外

按段增片篆故於此改片聲非

嬋 改若為如

按所改並無異義，而全書多作讀若

母 作止之詞也从女一女有姦之者一禁止之令勿姦也 注
云詞依禮記釋文補各本但有从女有奸之者六字今補十字
按禮記釋文及尚書正義引同段氏本諸而又以己意酌定非
也

弋 改著為者 注云各本作著不可通今正古著與者無二字
著即者字

按既著者無二字何以云不可通

弛 作弓解弦也 注云弦字各本無今補

按弦字不必增段氏以今義易古文多此類

弭彊也 增重也

按增二字未知何本

弭 刪重也二字

按爾雅亦云彌重也未知何以當刪

紡 改紡絲也 注云紡各本作網不可通唐本作拗尤誤今定為紡絲也三字句乃今人常語耳

按網絲非不可通以己意改定不可為典要

絕 改从刀糸尸聲 注云五字今定

按云今定自許過高故其言妄

絨 改飾為羈 注云師古漢書注曰古謂之車馬羈急就篇絨

注一名車馬飾二注皆用許為訓一作飾不同者後人改之耳

按師古二注一作羈一作飾謂其皆用許訓而必說文之是羈

非飾務求其異也

絨 作所以束篋也 注云所以二字今補

按此所以字亦不必增者

諸書增表字則亦不補似矣

綰 作喪服衣 注云喪字各本無今補

按服衣即謂喪服此服字不作衣服之總名解不當增喪字

縗 改絞也 注云絞各本作經庸人所改也今正

按經字不誤論語自經於溝瀆說文引春秋傳夷姜縗證其義也縗亦訓絞不得改許氏本文絞在交部許不列於糸部亦非轉注

緇 改妥聲 注云聲字各本無今補妥見禮經小雅許偶遺之今已補於女部

按增妥字之非於所增字下詳言之

𦘔 刪絹字聲下增𠂔古文卯字 注云纖下各本衍絹字玉篇

又誤緝今刪各本無𠂔古文卯字五字今補

按刪絹字非段氏依九經字樣於卯下增𠂔下刪𠂔而於此

又增升古文卯字變亂本書以成其說

蠲 改从虫𠂔象形益聲

按原本从虫目益聲𠂔象形𠂔改者妄也

𦵏 改稻田中畦埒也 注云集韻類篇宋本作稻中畦也今本

及文選注作稻田畦也韻會作稻中畦埒也今合訂之如此

按稻田畦也詞簡而該作稻中畦也亦無乖戾段用韻會而又

加田字語極累隆且集各本而以己意定之非作注之體

𡵓 改拔土也 注云拔字各本無今補

按二徐本作治也今云補拔字是原文作土也未知所本

𡵓 作門堂孰也 注云門字今補

按古人文義不類後世必加門字

疆 作或从土彊聲

按此壘之重文繫傳云壘或从土弓聲大徐作或从彊土所改非也

黼 改黑黃色也 注云各本作黃黑疑當作黑黃黑色之敝而黃也

按既作疑詞何以擅改

鉦 作所以舉鼎也 注云所以二字今補汲古閣於舉鼎下增

具字今刪正

按段氏執謬增所以字

鑿 作所以穿木也 注云所以二字今補

按穿木者曰鑿穿之亦曰鑿

鍾 物上增萬字成下增故謂之鍾 注云萬故謂之鍾五字今

補

按段氏以鼓字下解律此文必欲其句法畫一其失也愚

銜

作所以行馬者也 注云所以字今補

按所以二字贅

与

作此與予同意 注云大徐作此與與同小徐作此即與同

惟小徐祛妄篇內作與予皆同近是

按上文已云賜予也則此即與同不誤

処

作从夂夂得几而止也 注云以上八字與舊本不同今

更正

按當依小徐从夂得几而止

且

作所以薦也 注云所以二字今補

按薦也釋其義下文言字之象形所以字不必增

斧

作所以斫也 注云所以二字今補

傳編彙考從斗口象形不徐作从斗口象形

按以斧斫物亦曰斧

斫 作所以斫也

按說文斫斫俱訓斫也本無所以二字可知

斫 作从斗口象形 注云二徐本皆誤今正

按大徐作从口从斗小徐作从斗口此小異耳並無乖舛段氏

肥改乃謬之甚者

斛 作量旁溢也 注云大徐無旁非

按小徐作量物溢也亦無旁字

升 改十合也从斗象形合龠為合龠容千二百黍 注云十合

各本作十龠誤今正作亦象形非合龠十字今補

按依漢書律厯志增十字自為著述非許書本有何以尚云說

文注

輻

作車箱 注云各本作車籍七發注同急就注廣韻作車籍

皆不可通今以意正之曰車箱

按義不可通而以意正之異哉斯言也不知而不肯闕其失甚矣

軸

作所以持輪者也 注云所以者三字今補

按原文簡要義已明著必增所以者字此後儒陋識

軻

作所以礙車也 注云所以二字今補

按王逸注離騷曰軻支輪木此云礙車其義一也不當增所以

字

陟

作磊陟也 注云各本奪陟今補

陘

作啟陘也 注云各本奪陘字今補

按陟陘均非奪字

隤 作以防水者也 注云小徐及廣韻本如此

按小徐本無者字廣韻并無也字當依小徐

甲 刪位字又刪甲象人頭四字

按丙云位南方庚云位西方壬云位北方此刪位字非自甲至癸十干皆象人身段嫌其與大乙經語複而刪之亦非

丑 改曰加丑 注云上言月此言日每日太陽加丑亦是人舉手思奮之時各本謬作時加丑今改正

按改時為日謂每日太陽加丑其語支離雞鳴曰丑盥漱之時故云時加丑亦舉手時也猶申篆更以鋪時聽事申旦政之文耐 改肘省聲 注云各本作从時省誤紂疔篆皆曰肘省聲今

據正

按月令孟夏之月天子飲酎鄭注春酒至此始成與羣臣以禮

樂飲之於朝正義云漢嘗酎及春秋見於嘗酎者與此別呂氏
春秋高誘注酎春醞也此引明堂月令孟秋天子飲酎秋或當
為夏飲酎以時故从酉从時省紂疋篆曰肘省聲非其例也六
書故云說文蜀本作肘省聲蓋段氏所本不顯言而云據紂疋
篆正此怪舊觀而善野書是末師而非往古不可以訓

種福堂大徐本五佳字以下解語亦異
段說依小徐例應有佳字又太一徑曰下
今有聲作佳乃為甲四字与段本為同
云古本宜作宜則宜為甲三字乃大徐本
又與舊本無